



## **Universitätsbibliothek Paderborn**

### **Ars Semper Gavdendi**

Demonstrata Ex Sola Consideratione Divinae Providentiae Et Per  
Adventvales Conciones

**Sarasa, Alfonsus Antonius de**  
**Antverpiae, 1664**

§ III. Item & internis quas habet animi dotibus, necesse est vt acquiescat.

**urn:nbn:de:hbz:466:1-13517**

te id à Dèo vobis immitti , aut ad continendos vos in eo quem obtinetis statu, quemque perperam forte vultis extendere , aut etiam vt te à pristino, quem tibi obfuturum posthac videt, dimoueat & deiciat; aut denique, si id è suâ gloriâ futurum est, vt hunc quem getis statum amplius euehat & extollat. Externa omnia, Dei instrumenta sunt, quibus pro sua Prouidentiâ vtitur industrie; circumstantiasque omnes ita attemperat, vt sinem suum absque ullo aberrandi periculo consequatur. Finis autem ille, semper est bonum tuum : siquidem illud Augustini est verissimum. *Nihil tibiuenire permittet, nisi quod tibi proficit etiam si rescas;* si nempe utilissimi Domini te seruum profiteare. Itaque cum abeuntem à te fortunam videris, cùm maritum spem tuam demeti, cùm amicos disfluere, emori; immoto id conspicias vultu, si statum tuum per hæc immutantem Deum aspiceris. Neque iam rebus hominibus succensebis, quos statu non amplius posthac tibi conducturi, & in alium melioremque conuertendi, noueris esse instrumenta.

## §. III.

*Qui suo statu contentus est, etiam internis quas habet animi dotibus contentus ut sit necesse est.*

*Etiam suis  
quisque a-  
nimis doti-  
bus debet  
esse con-  
tus.*

**V**ecum ad altos adhuc sedandos motus, vti cœpit, decurrat oratio. Cùm enim hominis efformando statui, non externis tantum adminiculis vratut Deus, sed internâ etiam hominis constitutione, vti probauimus; quæ quidem in animi dotibus, ingenio yidelicet, retinendi & imaginandi potentia, indeole, genio, affectionumque bonâ difficultate temperie, maximè est posita: illud iam agendum est, & ex iis quæ iam dicta sunt conficiendum, vt suo quisque ingenio aut hebetudini, iudicandi acuminis aut tarditati, imaginationis vi aut impotentiae, bene vel male attemperato cerebro, quin & omnibus tum à naturâ, tum à gratiâ collatis donis penitus acquiescat, nec ad alia multum solliciteus suspiret.

*Quaqua-  
plerique  
mentales*

An ergo de ingenio, inquietes, iudicium sui improbitate quisquam est querulus: an alicui non ad abundantiam admensus est

*Aug. in  
in fine.*

26.

Tradit.

27.

est Deus: mihi certè videor ingenij habere satis, nec habeo hāc  
in parte quod conquerar. Gratiæ certè oppidō maximas, aliquid  
saltem bene fecisse Deum quod existimas. Nēque ego, vt fateat  
quod res est, multas aut graues de hāc re querelas inaudij. Ni-  
hil sanè felicius magisque ad hominis gustum distribuit Deus,  
quam duò quæ sunt præstantissima, Ingenium & Iudicium; & præferant.  
inter fæminas tertium fortasse, formam & speciem. Sed de cō-  
poris dotibus nunc non ago. Nemo fere vñus est, qui quidquam  
sibi aut ingenij aut iudicij abesse fatebitur, nemo non dicet eas  
dotes suppetere sibi affatim, nemo sibi hāc in materia non gra-  
tulatur. Quid, quod non pauci sibi ab blandiantur adeò, vt ne-  
minem, aut certè rarum esse autem, qui sibi aut ingenio, aut  
discernendi acumine possit comparari? Hinc sanè iudicij nostri  
peruicacia; nolumus enim id, quod iudicamus esse præstantius,  
exiliori subiicere; nullius autem iudicium præ nostro nobis pla-  
cket: hinc etiam ortum habet vñstata passim illa omnibus obtre-  
ctandij detrahendique libido. Videatis enim eiusmodi ingenia,  
quæ nullum in Republica ingenium bonum esse patientur, ne  
suo videlicet quidquam existimationis decedat, omnes ignaros  
appellant, omnes hebetes, omnes rerum inscios, nec eo esse in-  
genio, res magnas comprehendere qui valeant, nisi tardè & te-  
nuiter. De se vero quis id dicet? inter viros id raro audies: in-  
ter fæminas id quidem vñstatisimum est, ingenio se non valere  
quod dicitent, præsertim vbi grauiorâ incumbunt negotia: &  
quidem facile ipsi credi posset. Verum hoc habet facilitas illa  
incommodi, quod credi sibi tam facile, in re grauissimâ homi-  
nes passim indignentur. Raro enim sese hebetes, sese ignoran-  
tes, sese ingenio exiguo esse dicunt, nisi vt laudentur: aut saltem  
hāc sibi ornamenta verbis tantum detrahunt, fide datâ clancu-  
lum & acceptâ, sibi minime esse credendum. Quod sanè patet;  
non enim credunt ipsis sibi, quod rursus manifestum est, nam  
si aliis hoc ipsis enuntiet, irascentur illico, falsumque esse clâ-  
mitabunt quod obiicitur. Tamen id quod verum est semper est  
verum, quo cumque demum edicatur ore, nec interest maris sit  
an fæminæ.

28. Iam verò de iudiciorum tam bonâ distributione quid dicam?  
certè nemo conqueritur de suo, nemo illud vellet alieno com-  
mutare; adeò suo contentus est quisque, vt suum cuius etiam  
sinu al.

N n 2

suo ingenio  
et iudicio  
tanquam  
optimo, fa-  
cile acqui-  
escant, om-  
nibusque  
præferant.

Sed hoc su-  
perbia est,  
parvique  
iudicij in-  
dicium.

præferat

præferat quantumvis magno, modò alienum sit. Illud mihi sè-  
pius cogitanti, quî tandem id fiat vt hominibus, qui de nullâ non  
re conqueruntur, in hâc parte à Deo tam præclarè sit factum sa-  
tis, ea tandem duplici ex capite occurrit ratio: Superbia, in-  
quam, ingenita mortalibus; quâ fit vt quisque ea parte qua ma-  
ximè homo est, maximè etiam velit esse. Spectabilis: Hébetudo  
deinde, cæcitas mentis, seu ingenij stupiditas; quæ in eiusmodi  
hominibus passim tanta est, vt satis ingenij perspicacitatisque  
iis non sit, aliena vt ingenia queant perspicere, & de illis iudi-  
cium suum ferre. Verùm id modò non ago.

Tantùm quibusdam modestè frugaliterque de se sentientibus  
satisfaciendum mihi est, qui quod res est satis perspiciunt; non  
admodum præclaris nempe sele dotibus exornatos, non eâ esse  
perspicacitate ingenij quâ pollut plurimi, nec cæteris tum na-  
turæ tum gratiæ dotibus, nisi leuiter admodum, si alijs compa-  
rentur, instructos. Et quamuis hoc de se posse iudicare, sit bonæ  
mentis delectaque iudicij ingens indicium, quô acuti perspi-  
cacesque homines destituuntur sèpissimè; tamen anguntur non  
raro, Dæmoneque materiam suggestente, conqueruntur secum  
taciti, rationemque exquirunt, cur non eo quô alij non pauci  
polleant ingenio, cur non ad litteras reconditiores capessendas  
æquè ac illi idonei? video sanè, inquiunt, quosdam scire omnia,  
me verò fere nihil: alijs magnâ eloquentiâ verborumque illece-  
bris sua diuendit antibus, ego instar piscis obmutesco, ne insci-  
tiam male dum loquo, peius prodam: quin immo si de rebus di-  
uinis sermo intercurrerit, alta sapiunt alij, eaque proferunt de  
sacris mysterijs cælestique gloriâ, quasi si cum D. Paulo tertij vt  
minimum, cæli adita penetrassent: ego interim in terris repo.  
Denique, alios video tantos à Deo fauores consequi, tantâ per-  
fundî gratiâ, vt toti in Deum abrepti, suauissima inter suspiria  
gemitusque, orationi diuturnæ insistant; vbi ego præ mentis im-  
becillitate, ne salutationem quidem Angelicam, sine maximis  
euagationibus animi queo recitare. Nullus sum ego, nullius fru-  
gi, nullius pretij, aut rei. Ain verò, nullius frugi? id certè non  
arridet; corrigendus es, id si ita sit. Verùm an non id perspicis,  
ea quæ attulisti, adiaphora esse pleraque, id est, neque mala ne-  
que bona? Erras enimuerò, erras grauissimè: & vt iudicio va-  
leas optimo, perperam tamen modò iudicas. Ah Auditores, si  
salutis

salutis nostræ negotiū ingenio perageretur & sciendi peritiā ; quām rectē conquereremur , ingenio scientiāque nos destitui ! si voce & præclarè loquendo, dicendique volubilitate & eloquentiā , æterna salus comparari posset ; quām multi cælestem gloriam obtinerent modò , quibus minimè profuit eloquentes fuisse & disertos !

*Haec quas  
habet dotes  
conducunt  
at tuum  
statum.*

30. Verūm ut scrupulos hos omnino complanem aut eximam : an non id, ex ijs quæ modò dicta sunt , clare perspicis , illas naturæ dotes , ingenium tardum aut ad percipiendum facile , ratione nandi industriam , eloquendi leporem & elegantiam , imo & è cælo immisso præter ordinem nonnumquam rauores , aut etiam præter morem communem denegatos , vias esse quibus à Deo ad statum tibi proprium deduceris ; instrumenta denique esse & adiumenta quæ Deus cui libet in manus dat , statui suo benè debitèque procurando ? Illud enim iam liquidò demonstrauimus , quod pro futurâ conditione vitæ , variis varijs hominibus affectiones , propensionesque in diuersa studia , diuersas admodum indiderit , ingeniumque futuris statibus attemperarit . Nihilominus de tuo ingenio tu conquereris . An ergo diuinum tibi vis ingenium esse , Deoque par ? Non tantum inquis . Quantum ergo postulas , quietus ut sis & contentus tuō ? Nescio sanè inquis . Nescis ? neque ego profectò scio scire quā possis , quantum rectē possis velle . Quid ergo conquereris ?

31. Age ut rem hanc conficiam ; in ipso creationis tuæ exordio , concipe non nisi solam voluntatem animæ infusam tuæ ; ingenium verò necdum esse distributum : quidquid igitur adhuc es , solùm Voluntas es . Quod si voluntati tuæ sic constitutæ omnium quotquot sunt ingeniorum daretur optio & electio , an tibi videbris esse is , accommodum tibi ingenium qui feligeres ? Quid ni inquis ! ego sanè Salomonis ut minimum ingenium animique dotes , ijs melius usurpus postulasset . Næ tu profecto magni fueris ingenij , tum cum etiam nullum prorsus habuisses . An non id dixi , quod nihil adhuc sis , nisi mera & sola voluntas ? quod pactò igitur voluntas sola , potest iudicare quid de Salomonis ingenio aut scientiā dicendum sit , cum intellectus ingeniumque quo hæc percipiat , voluntati necdum ullum sit assignatum ? Quod pactò , inquam , voluntas rectē potest eligere , cum Eligere , actus sit eligenda cognoscentis intellectus ; intellectu vero omni voluntas

*Neque si  
daretur op-  
tio , alia se-  
ligere po-  
tuisset ,*

N n . 2

voluntas

voluntas adhuc sit penitus destituta? Vides sanè quām id sit ri-

*salem tibi  
conducibi-  
liora quo  
probatur.*

diculum. 32.

Video inquies, primum ingenium dari mihi debuisse, nec à me potuisse designari aut eligi. Verum, aliquo cùm iam sim præditus, satis mihi perspicacia est ut videam, alios maiori polere ingenio, præstantioribusque præ me dotibus exornatos. Credo sanè. Verum an id etiam vides, aliena ingenia, & dotes animi, tuo statui magis conuenire, aut tibi pro tuâ conditione magis conducere? id sanè nullus credo, videt. Longe aliud est, præstantius tuô ingenium dari aliquod; aliud verò, tibi quod sit melius. Gladius certè acu præstat aut malleo; an ideo sartori aut fabro gladius præ acu aut malleo, arti quam profitentur exercendæ, est conducibilior? Sed ne dicta repetam, clarissimè id euinco non conducere tibi dotes alias; idque hâc vnicâ ratione. Quod si iam vbi ingenio es hebeti & ferè nullo, adhuc tamen tuo statu contentus non es, tibique plura deberi existimas; quid tandem de te statuisses, præstantioribus animi dotibus conspicuus? Quod si iam rudit & stupidus, Dei consilia examinas, imo & condemnas, in quam non perspicacitate ingenij præfidens, audaciam assurrexisse? si iam tam humilis & depresso videatur status tui conditio, si onus tam graue quod illi annexum est, procul dubio ingeniosiori fuisset omnino intollerabile. Rursus cùm sermone tam inficeto iam & insulso, nulloque qui lepore conditur, nusquam tamen te non ingeris, facundiam quā non vales, ad fastidium usque putide ostentas, omnia contemnis, de némine non obmurmuras; Deus bone, quo non prosilijses impudentiæ, facundum tibi si fuisset os, & verò etiam gratiosum! Enim uero non tibi preferendo tellus ipsa fuisset pars. 33.

Crede mihi; & dotibus quas natura Deusque contulit, contentus viue. Sufficiunt illæ tibi, ut pro conditione tuâ modestè vitam transfigas. Destinato consilio, non alias tibi dedit is in cuius manus erat dare, ut statu tuo confinearis, eoque contentus sis: neque verò si maiores habeas, is es, vti ijs rectè qui possis: profuturum quod putas, oneri erit & impedimento. Ingenij sane habes satis, ut rectè sapias: sapiès autem, si munus tuum officiumque prout debes, rectè expleas. Ut autem hoc ritè sapias, non est quod scientiam maiorem expetas, sed virtutem;

non

non ingénium acutius, sed constantiorem voluntatem. Itaque tuo contentus viue, & tum demum viues, & viues placide.

## §. IV.

*Denique ut dotibus tuis contentus sis, eas cum alienis ne compara; nec si maiores tuis in alio compereris, illi inuidie.*

34. **V**erum, quod maximum in hac parte mortalibus negotium facessit, nec suo viuere contentos sinit, est quod alienam felicitatem inuidiâ liuoreque infectis aspiciamus oculis. Vnde tunc nostra nobis incipiunt displicere, dum quod magis placet, in alio comperimus. Placet plebeio homini modica quâ viuit res, donec opes in vicinâ domo conspicit: suum cuique ingenium scientiaque sufficit, dum alienum non attendit; vt autem attendit, turbatur animus, fluctuat mens, tempestas oritur illico maxima.

35. At, quâ id præter rationem est, si mentem aduertas? nonne iam id planè confecimus, fassique sumus, *Vnumquemque proprium donum habere à Deo, unum quidem sic aliud verò sic?* An non tibi ad dimensum liberaliter elargitus est Deus, quidquid ratione bonâ dandum censuit? An non is, qui etiam *ventis fecit pondus*, deditque quæcumque naturæ competebant, benè vt illi foret, tibi non benè pro tua conditione exactèque admensus est? quid ergo obmurmuras? Obmurmuras verò, alienis rebus curiosè nimis quod intendas oculos, & quod pessimum est, tuis compares.

36. Hoc itaque, si magnâ cum tranquillitate viuere desideras, primum tibi præceptum scias, vt numquam te aliosque inter comparationem instituas: nec si quas habes animi dotes, si quas opes, si quam agendi industriam, si quos supernaturales fauores, si quam virtutem aut leporem, si quam agendi elegantiā, vñquam illa conferas alienis. Verum vt tibi tecum benè sit, munificoque pro ijs largitori Deo sis gratus, neminē in rerum naturâ esse cogita, præter Deum beneficū, & te beneficij debitorem. Si nulli præterquam tibi valetudo bona, aut illud quæcumque ingenium, dotesque quantumvis tenues concessæ fuissent,

Nostras i-  
tes alienis  
semper cō-  
paramus.

Sed mali.

Hinc si vñ  
pro nostris,  
Deo simus  
ingrati.